



KEJATUHAN KERAJAAN MELAYU

AHMAD IMAN ARIEF

SABUNAI MEDIA SDN. BHD.

(Co.No.370672-M)

C-5-6, Megan Phoenix,
Jalan 2/142A, Jalan Cheras,
56000 Kuala Lumpur.
Tel/Fax : 03-9100 1369

©SABUNAI MEDIA SDN. BHD.

Cetakan Pertama 2005

AMARAN ATAS HAKCIPTA

Semua hak terpilihara. Sebarang bahagian dalam buku ini tidak boleh diterbitkan semula atau dipindahkan dalam sebarang bentuk atau dengan sebarang cara, baik dengan elektronik, mekanik, penggambaran ataupun sebaliknya tanpa izin yang bertulis terlebih dahulu daripada pihak Penerbit.

Perpustakaan Negara Malaysia Data Pengkatalogan-dalam-Penerbitan

Ahmad Iman Arief

Kejatuhan kerajaan Melayu / Ahmad Iman Arief
(Siri sejarah kita)

ISBN 983-2612-57-8 (set)

ISBN 983-2612-58-6

I. Malaya - History - Juvenile literature. I. Judul. II. Siri
959.51

Dicetak Oleh :

LC Labels & Packaging Sdn Bhd
Kuala Lumpur.

M
959.51
AHM
01 AUG 2005
Perpustakaan Negara
2195699

PRAKATA


Malaysia mempunyai sejarah yang cukup panjang. Bermula dari Empayar Melayu Melaka, kedatangan penjajah, pembukaan negeri dan seterusnya kemajuan yang dicapai sehingga kini. Sejak ratusan tahun lalu, penjajah telah mengenakan pelbagai tekanan ke atas rakyat Tanah Melayu.

Empayar Melayu Melaka telah runtuh akibat ekonomi kedatangan portugis, kemudian disusuli pula Belanda dan Inggeris yang telah mencorakkan pentadbiran Tanah Melayu.

Sehubungan itu telah lahir ramai pejuang bangsa yang bangun menentang penjajah. Bagi memastikan para pelajar didedahkan dengan sejarah tanah air, *Siri Sejarah Kita* telah merungkai segalanya untuk dijadikan teladan untuk semua.

Selamat Pembaca,

Pengarang.



Kejatuhan Melaka

Tiba ke Melaka

Lima buah kapal Portugis sedang belayar di Selat Melaka. Beberapa kali mereka bertemu dengan kapal-kapal dagangan orang-orang Arab, Parsi dan India.

Kapal-kapal ini sedang dalam perjalanan pulang ke tempat masing-masing. Kapten kapal Portugis tidak mengarahkan anak-anak kapalnya

bertindak. Mereka tidak mengganggu kapal tersebut. Dibiarkan sahaja kapal-kapal itu belayar menuju ke tempat masing-masing.

“Tujuan kita belayar ke Timur untuk mencari tapak perniagaan,” kata kapten kapal Portugis itu yang bernama Lopez de Sequeira.

“Kita harus mengembangkan pengaruh ke sebelah Asia Tenggara. Kalau perlu nak kita kukuhkan kedudukan bangsa kita di rantau itu,” katanya lagi.

Anak-anak kapal Portugis itu tidak berkata apa-apa. Diperhatikan sahaja kapal-kapal dagangan itu melalui mereka dengan membawa bahan dagangan seperti rempah, kain dan emas.

“Bagaimana dengan orang-orang Islam, tuan? Mereka musuh kita. Merekalah yang menyekat perdagangan kita di Venice. Kita terpaksa bersusah payah mencari jalan laut yang lain,” kata seorang daripada pengiring Lopez de Sequeira.

“Memang benar apa yang kamu katakana itu. Tapi buat sementara waktu kita terpaksa bersabar. Bukan masa dan tempatnya kita nak menunjukkan

belang kita. Kita nak ke Melaka, pelabuhan Melayu yang terkenal dan terkaya.

Semua keperluan dan bahan dagangan boleh diperolehi di sana. Oleh itu kita diamkan dulu dendam kita itu," tegas Lopez de Sequeira lagi.

"Kalau mereka menyerang, bagaimana pula?" bertanya anak kapal yang lain pula.

"Tak ada pilihan lagi. Kita serang bali. Kalau perlu kita tewaskan mereka," sahutnya tegas.

Tidak beberapa lama kemudian kelima-lima buah kapal itu telah menghampiri pelabuhan Melaka.

Sekali lagi Lopez de Sequeira mengingatkan seluruh anak kapalnya dan berkata, "ingat, kita dah hampir tiba ke Melaka. Lihat betapa banyaknya kapal di pelabuhan!"

Semua anak kapal Portugis memandang ke arah pelabuhan. Mereka amat kagum melihat ben puluh-puluh buah kapal memenuhi perainan pelabuhan.

Misalnya terdapat beberapa buah kapal dari negeri China yang sedang memunggah dan memuat barang-barang.

Sementara kapal-kapal Jepun dan Jawa keluar masuk membawa barang dagangan.

“Memang benarlah Melaka sebuah pelabuhan yang masyhur. Semua bangsa dalam dunia datang bermiaga ke mari,” bisik hati beberapa orang Portugis pula.

Lopez de Sequeira memandang anak-anak kapalnya dengan mata yang bersinar. Mereka bagaikan terpukau dengan pelabuhan yang besar lagi maju itu.

“Ingat! Kita ke mari dengan doa restu dari Raja Manuel. Baginda mahukan kita berjaya mendapat tempat bermiaga di Melaka. Jadi kita harus bertanggungjawab terhadap tugas yang diamanahkan oleh raja kita itu.”

Anak-anak kapal yang menganggukkan kepala. Kelihatan mereka tidak sabar lagi tiba ke pelabuhan. Mereka ingin segera menjakkan kaki ke bumi Melaka.

“Apabila kita tiba di Melaka, ingatlah jangan sesekali mencari gaduh dengan sesiapapun. Elakkan perselisihan dengan orang-orang Islam.

Lagipun, kedatangan kita bukan saja nak bermiaga. Kita ada tugas lain yang penting, faham!"

Kata-kata Lopez de Sequeira didengar dengan teliti. Mereka semua menyedari hakikat kedatangan mereka ke Melaka.

"Setiap orang dah pun ditetapkan dengan tugas masing-masing. Jalanlah tugas itu dengan cermat dan sempurna. Kita harus menunjukkan taat setia kepada Raja kita. Semuanya ini untuk bangsa dan negara kita, Portugal!" tegas Lopez de Sequeira, bersemangat.

Kemudian kelima-lima buah kapal Portugis masuk ke pelabuhan. Mereka cuba menghimpiri tambatan serapat yang mungkin. Namun mereka tidak dapat berbuat demikian kerana kapal-kapal lain sibuk memunggah barang dagangan.

Kedatangan Tanpa Diundang

Tanggal 1 Ogos, 1509, telah tiba kapal-kapal Portugis ke Melaka. Kedatangan yang tidak diundang itu menggemparkan orang-orang di Melaka.

Apabila mereka dibenarkan mendarat, segera menarik perhatian ramai.

“Hoi, besar tinggi orangnya. Putih berjanggut dan berjambang pula,” kata orang-orang Melaka sesama sendiri.

“Macam Benggali. Agaknya inilah yang dinamakan Benggali Putih!” sahut yang lain, ketawa.

“Portugis dah sampai ke mari!” Bisik seorang saudagar Islam. Nada suaranya agak tinggi.

“Apa? Mereka dah sampai ke mari?” Balas saudagar Islam yang lain pula. Matanya terbeliau menampakkan rasa terkejut yang tidak diduga sama sekali.

“Ini satu alamat yang tidak baik!” Sambungnya lagi.

Namun bukan semua orang Portugis naik ke darat. Hanya sekumpulan kecil sahaja diketuai oleh Lopez de Sequeira.

Manakala sebahagian besar menunggu di kapal masing-masing. Pengawal-pengawal pelabuhan segera mengiringi orang-orang Portugis itu ke kediaman Syahbandar.

“Nama Saya Lopez de Sequeira,” kata Kapten itu memperkenalkan dirinya. Kemudian

menyambung semula, “kami datang dari benua Eropah, dari Portugal.”

“Oh, begitu. Apa hajat tuan hamba ke mari?” tanya Syahbandar.

“Saya dan kawan-kawan ini mau menghadap Sultan Melaka,” jelas Lopez de Sequeira lagi.

“Jika tuan hamba membayar cukai pelabuhan, bolehlah kita berjumpa Bendahara Tun Mutahir dulu,” sahut Syahbandar, ramah sekali.

“Kami menurut saja!” balas Lopez de Sequeira. Kemudian dia segera memerintah dua orang pengiringnya membayar cukai pelabuhan serta merta.

Kemudian orang-orang Portugis itu dibawa menghadap Sultan Mahmud Syah. Kesemua anggota rombongan itu membongkokkan sedikit tubuh mereka sewaktu menjunjung duli. Baginda teesenyum gembira menerima kedatangan mereka.

“Apakah hajat tuan hamba sekalian ke negeri beta ini? Bersusah payah datang dari jauh mau menghadap kita!”

“Begini, Tuanku. Kami difahamkan negeri Melaka sangat masyhur. Terkenal dan jadi sebutan hingga ke Portugal. Pelabuhannya baik dan cukup sesuai untuk bermiaga. Oleh sebab itulah kami datang. Lagipun, raja kami, Raja Manuel sangat sukacita kalau kami dapat berhubung dengan kerajaan Melaka,” tegas Lopez de Sequeira.

“Adakah tuan hamba mau bermiaga di negeri ini?”

“Benar tuanku. Kalau ada belas kasihan tuanku, kami nak menjalankan urusan perniagaan di sini.”

“Apa jenis barang dagangan yang ingin tuan hamba beli dari Melaka ini?”

“Kami inginkan rempah, lada hitam, bunga lawang, bunga cengkoh, kayu manis, buah pala dan macam-macam lagi tuanku,” sahut Lopez de Sequeira dengan mesra.

“Kebetulan barang-barang itu memang banyak terdapat di tempat kita. Mengapa tuan hamba tidak membeli barang-barang itu dari saudagar Arab dan Parsi. Khabarnya mereka

banyak menjual barang-barang itu di sebelah sana," tingkah Sultan Mahmud Syah.

Namun pertanyaan itu tidak segera dijawabnya. Lopez de Sequeira diam sebentar. Kemudian barulah dia bersuara dengan ragu-ragu.

"Aaada Tuanku. Err, ada juga saudagar-saudagar itu berniaga rempah, kain dan emas di sekitar Laut Mediterranean."

"Jadi mengapa tuan hamba bersusah-payah mengharung lautan untuk sampai ke mari?" tanya baginda, tersenyum panjang.

"Harganya tuanku. Harganya terlampau mahal. Barang-barang itu dijual dengan harga yang berlipat ganda. Lagipun barang-barang sangat kami perlu."

"Sebab itulah tuan hamba sanggup bergadai nyawa meredah lautan!"

"Benar tuanku. Lagiupun di sini khabarnya barang-barang itu sangat banyak, mudah didapati dan harganya pun murah."

"Kalau begitu, niat tuan hamba adalah baik!" Puji Sultan Mahmud tanpa ragu-ragu. Kemudian baginda menyambung semula. "Baiklah, kita

benarkan orang-orang Portugis berniaga di Melaka.”

“Terima kasih tuanku!” sahut Lopez de Sequeira, gembira sungguh.

“Syahbandar!”

“Tuanku.”

“Memanda!”

Bendahara Tun Mutahir mengangkat sembah.

“Berikan segala kemudahan kepada saudagar Portugis. Layanlah mereka seperti kita melayan saudagar-saudagar yang lain”

“Titah dijunjung tuanku!” sahut Syahbandar dan Bendahara hampir serentak.

Lopez de Sequeira dan pengiring-pengiringnya kembali semula ke kapal. Mereka amat gembira. Perkhabaran baik itu segera diberitahu kepada seluruh anak kapal. Riuhan rendahlah bunyi suara mereka.

“Bila kita akan mulakan perniagaan, Kapten?” tanya Bernard kelihatan riang sekali.

“Esok saja. Esok kita mula bermula dan membuat hubungan dengan saudagar-saudagar di Melaka,” sahutnya.

Malam itu juga Lopez de Sequeira mengumpulkan semua kapten kapal di biliknya. Beberapa orang pengiring yang penting ikut serta. Mereka berunding secara sulit.

“Bernard..., uruskan perniagaan kita dengan baik. Cuba elak dari berurusan dengan pedagang-pedagang Islam Arab dan Parsi. Rapatkan hubungan baik dengan saudagar-saudagar tempatan. Pastikan kita mendapat bahan dagangan yang baik tapi harganya murah!”

“Baiklah kapten.”

“Kamu Santa Maria..., awasi orang-orang kita. Cepat halang kalau ada yang terlibat dalam pergaduhan. Kita tak mau buat huru-hara dulu. Kalau ada orang kita yang berlaku sumbang, ingkar dan kaki kacau, segera tangkap mereka. Tahan dan kurung mereka di bilik bawah kapal!”

“Baik!”

“Kamu Gomez..., pilih beberapa orang anak kapal yang segak dan berdarah perwira. Kamu bentuk kumpulan menjalankan kerja pengintipan. Cari maklumat tentang Melaka terutama kekuatan tenteranya.”

"Ya, saya akan hubungi orang-orang di Melaka untuk dapat maklumat itu. Saya akan pujuh atau sogok mereka dengan wang dan emas," sahut Gomez.

"Tugas kamu sangat bahaya!" kata Lopez de Sequeira tiba-tiba. "Jika bocor, segala rancangan kita akan musnah. Bukan itu saja, keselamatan kita akan terancam."

"Baiklah. Saya berjanji atas nama Raja Manuel," ikrar Gomez sambil mencium mata pedang.

"Saya percaya kamu semua."

Dan di bilik mesyuarat itu, Lopez de Sequeira bersama pengikut-pengikutnya berikrar dan bersumpah menyatakan taat setia masing-masing.

Rahsia Terbongkar

Seperti hari-hari yang lalu, pelabuhan Melaka sentiasa penuh sesak dengan kapal dagangan. Ramai para pedagang bertukar-tukar barang dan berjual beli.

Saudagar-saudagar itu saling bersaing sesama sendiri untuk melakukan dan membeli

bahan-bahan dagangan. Pelbagai bentuk mata wang yang beredar dalam pasar perniagaan.

Pada masa itu orang-orang Portugis yang diberi izin berdagang di situ tidak ketinggalan. Mereka berusaha dengan giat, tekun dan sungguh-sungguh.

Mereka rancak bermiaga. Mereka cepat menjadi terkenal dan dapat bersaing dengan saudagar-saudagar lain.

“Bagaimana dengan keadaan kamu?” tanya Lopez de Sequeira kepada anak-anak kapalnya yang menjalankan perniagaan pada siang hari.

“Adakah bagus perniagaan kita?” Tanyanya lagi.

“Bagus sekali. Banyak barang kita yang laku. Kita juga dapat membeli rempah yang murah dari saudagar-saudagar tempatan,” sahut seorang daripada mereka.

“Hmm, ada orang-orang kita yang berkelakuan sumbang, Santa Maria?” tanya Lopez de Sequeira lagi.

“Ada dua orang kita cuba menimbulkan salah faham masa di pasar tadi. Tapi saya sempat bertindak. Segera saya hantar ke kapal.

“Dan jangan lupa, kita bergerak di kalangan musuh kita yang sekarang menguasai perdagangan di Laut Mediterranean. Orang Islam adalah musuh utama kita!”

Sesungguhnya kehadiran orang-orang Portugis di Melaka memang dicurigai oleh segelintir saudagar Islam.

Mereka mengetahui tentang kezaliman Portugis. Tindak-tanduk itulah yang menyebabkan timbulnya rasa khuatir di kalangan mereka.

Sehinggalah suatu hari, sekelompok saudagar Islam memohon menghadap Sultan Mahmud Syah. Kelompok itu diperkenankan masuk lalu menyembah Sultan Mahmud Syah.

“Apa halnya tuan hamba sekalian? Apakah ada kekurangan ketika tuan hamba bermiaga di sini?” titah Sultan Mahmud Syah.

“Bukan begitu maksud kami Tuanku. Semuanya berada dalam keadaan baik, tak ada

kekurangan apa-apa. Layanan semuanya memuaskan," sahut wakil rombongan itu

"Mungkin ada hal lain agaknya!"

"Tuanku!"

"Silalah khabarkan pada kita. Manalah tau, kalau-kalau kita dapat menolongnya."

"Tuanku, sebenarnya hamba sekalian ini berasa curiga sungguh dengan orang-orang Portugis di Melaka."

"Ooh.." Sultan Mahmud tersenyum.

"Mereka seperti tuan hamba juga. Mereka bermiaga. Mereka ke mari untuk mendapatkan rempah, kain dan lain-lain lagi."

"Kalau kita lihat zahirnya memang begitu. Tetapi, yang hamba khuatirkan ialah niat tersembunyi mereka. Ada udang di sebalik batu!"

"Maksud tuan hamba?"

"Ampun tuanku, Portugis ke mari bukan saja nak bermiaga, tuanku. Mereka ada tujuan lain yang lebih penting. Mereka mahu meluaskan pengaruhnya, mengembangkan agama Katholik dan menjajah negeri ini," jelas saudagar itu tanpa berselindung lagi.

“Apa? Benarkah apa yang kamu katakana itu?”
Tanya baginda tersentak mendengarnya. “Apa buktinya tuan hamba berkata demikian?”
Sambungnya lagi.

“Tuanku, sejak orang-orang Islam menguasai perdagangan di atas angin, Portugis mula gelisah. Mereka tak dapat barang-barang dagangan yang cukup dari sini. Kalau pun ada mereka terpaksa membeli dengan harga mahal.”

“Itu dah pun diceritakan oleh Kapten Lopez!”
balas baginda.

“Sebenarnya mereka musuh orang-orang Islam tuanku. Sekarang ini mereka dah berkuasa di Lautan Hindi dan India. Mereka serang tempat-tempat yang patut dijadikan pusat perdagangan. Mereka kejam pada orang-orang Islam. Hamba khuatir hal yang sama akan berlaku di Melaka.”

“Jika begitu, Portugis berniat jahat terhadap kerajaan kita. Ini amat bahaya. Hmm, apa pandangan Memanda?” tanya sultan seraya memandang Bendahara Tun Mutahir.

Bendahara Tun Mutahir diam sebentar.

Pada masa yang sama, orang-orang Portugis sekali lagi mengadakan perbincangan.

Sesungguhnya kehadiran orang-orang Portugis di Melaka memang dicurigai oleh segelintir saudagar Islam.

Merekalah yang berulang-alik berdagang antara Asia Barat, India dan Melaka. Mereka telah mengetahui tentang kezaliman Portugis.

Tindak-tanduk itulah yang menyebabkan timbulnya rasa khuatir di kalangan mereka.

Masuk Perangkap

Bukan mudah untuk menangani orang-orang Portugis. Oleh sebab itulah, Bendahara Seri Maharaja tidak dapat memberikan jawapan segara lagi tepat. Sultan Mahmud Syah berasa bimbang akan hal itu.

Beberapa hari kemudian Sultan Mahmud Syah menitahkan pembesar-pembesar menghadapnya. Mereka mengadakan perundingan penting.

"Ini bukan perkara kecil. Kita tak boleh ambil ringan saja," tegas baginda bersungguh-sungguh.

"Pada fikiran patik, adalah lebih baik kita tidak benarkan Portugis berniaga lagi di Melaka ini," Syahbandar memberikan pendapatnya.

"Tidakkah itu menjelaskan kita nanti?"
Tingkah Sultan Mahmud pula.

"Sebelum mereka datang ke mari pelabuhan dan pasar perniagaan kita tetap ramai dan sibuk, tuanku!" balas Syahbandar.

"Apa pula bicara Temenggung?" baginda meninjau pendapat lain pula.

"Pendapat itu memang baik, tuanku. Tapi, patik rasa ada juga kesan tak baiknya. Kalau tak sekarang, pada masa depan," sahut Temenggung.

"Cuba jelaskan maksud sebenarnya, Temenggung!"

"Maksud patik, kalau dilarang orang-orang Portugis itu berniaga di sini, tentu mereka marah.

Sebagai membalas dendam, mungkin mereka merompak di tengah laut. Atau menyekat kapal-kapal singgah ke pelabuhan kita. Kalau berlaku demikian, kapal-kapal asing tak selamat belayar ke mari. Ini menjaskan negeri kita.”

Setelah mendengar kata-kata Temenggung itu, masing-masing diam beberapa ketika. Sultan Mahmud Syah terus memikirkan apakah tindakan yang paling baik dan berkesan patut diambil terhadap orang-orang Pontugis.

“Apa pendapat orang kaya yang lain?” Tanya Sultan Mahmud memecah kebuntuan. Mata baginda memandang setiap pembesar yang duduk di hadapan baginda.

Pertanyaan itu tidak segera mendapat sambutan. Kebanyakan pembesar negeri tunduk membisu.

“Ampun tuanku!” Sembah Bendahara Tun Mutahir.

“Ya, Memanda!”

Bendahara Tun Mutahir terhenti secara mendadak. Ditatapnya setiap wajah pembesar negeri yang kebetulan memandang tepat ke

arahnya. Kemudian barulah dia bersuara, "Tuanku, walaupun tindakan kita mesti ada kesan balasnya iaitu baik atau sebaliknya," ujar Bendahara senaya terhenti pula.

"Beta kurang faham Memanda," gesa baginda.

"Kalau ada izin tuanku, akan patik nyatakan juga!"

"Silakan Memanda.

"Ampun Tuanku. Memang orang-orang Portugis itu berbahaya kepada kerajaan Melaka dan keturunan kita. Mereka dah melakukan kekerasan, paksaan dan menakluk beberapa negeri. Tak mustahil hal itu akan menimpa kita juga. Jadi dah sampailah masanya kita bertindak. Semua orang Portugis yang ada di Melaka patut kita tawan. Jangan terlepas walau seorang pun."

Cadangan itu menimbulkan pelbagai reaksi. Ada pembesar negeri yang bersetuju supaya dilaksanakan tindakan itu dan ada yang sebaliknya.

Setelah diteliti dengan halus, Sultan Mahmud Syah setuju dengan cadangan Bendahara. Lantas, mereka mengaturkan satu majlis keraian untuk orang-onang Portugis.

"Kita tak mau seorang pun dari meneka terlepas dari jaringan kita. Jadi, pandai-pandai tuan hamba sekalian," pesan Sultan Mahmud.

Setelah dipersetujui, satu majlis keraian segera diatur. Semua onang Portugis telah dijemput hadir. Pada petang itu, orang-orang Portugis yang bermiaga segera pula pulang ke rumah sewaan mereka tidak jauh dari pasar. Mereka sangat gembira dan bersiap-siap untuk menghadiri jamuan.

Namun pada senja kelihatan seorang perempuan berenang, tercungap-cangut dan selamat sampai ke salah sebuah kapal itu. Dia segera ditarik naik.

"Gomez! Mana Gomez?" tanya perempuan itu, terketar kesejukan.

"Gomez tak ada. Dia di darat!" sahut seorang.

"Tapi saya tak jumpa dia. Dah puas saya mencarinya," balas perempuan itu, pucat lesu wajahnya.

"Siapa perempuan ini?" sergah satu suara dari arah belakang. Keras dan garuk sahaja bunyinya.

“Tak kenal tuan. Dia berenang ke kapal kita mencari Gomez,” ujar anak kapal yang mula-mula memberi pertolongan pada perempuan itu.

“Tuan Lopez de Sequeira?” tanya perempuan itu. Suaranya teragak-agak dan tergigil sejuk.

“Oh, kau! Apa yang dah berlaku? Mengapa dengan Gomez?” tanya Lopez de Sequeira, bertubi-tubi.

“Tuan bersiap mau ke jamuankah?” Tanya perempuan itu pula.

“Katakan saja apa terjadi pada Gomez dan orang-orang kami yang lain. Jangan buang masa!” desaknya.

“Tuan..., tuan jangan turun ke darat. Sultan Melaka dah rancang untuk menangkap semua orang Portugis. Baiklah tuan belayar meninggalkan Melaka.”

“Apa? Benarkah ini? Atau kau cuba menipu kami,” serghah Lopez de Sequeira dengan mata terbeliak.

“Tuan, selama ini saya tak pernah mengkhianati orang-orang Portugis. Sebaliknya banyak maklumat penting saya berikan pada

Gomez. Percayalah cakap saya. Ini saya dengar dari salah seorang pembesar Melaka yang ada hubungan dengan saya. Tapi tuan..., saya yakin Gomez dan kawan-kawannya yang lain dah ditawan sekarang!" jelas perempuan itu terketar-ketar.

Hingga lewat tengah malam, mereka tidak mendapat sebarang khabar berita dari daratan. Orang-orang Portugis yang berada di kapal tidak jadi turun ke darat. Mereka menanti dengan dada berdebar kencang.

Menjelang dinihari, Lopez de Sequeira memberikan arahan kepada seluruh anak-anak kapalnya.

"Angkat sauh. Kita belayar sekarang sebelum hari siang!"

"Apa halnya dengan 20 orang kita itu, tuan?" tanya Santa Maria, terharu.

"Kalau umur panjang, kita akan bertemu dengan mereka!" balasnya dengan perasaan marah, kasihan, dendam dan geram.

Menuntut Tebusan

Akhirnya lima buah kapal dagangan Portugis belayar meninggalkan pelabuhan Melaka. Orang-orang Melaka tidak menyedari hal tersebut.

Apabila matahari terbit, baharulah orang ramai sedar. Terutamanya pengawal di pelabuhan. “Ke mana mereka? Mengapa mereka belayar di waktu malam?”

Setelah beberapa bulan dalam pelayaran, kelima-lima buah kapal Portugis itu tiba di pelabuhan Goa, India. Goa adalah sebuah daripada jajahan takluk Portugis.

Terdapat seorang wakil kerajaan Raja Manuel menjalankan pentadbiran. Alfonso de Albuquerque namanya. Dia seorang panglima Portugis. Cita-citanya amat besar. Beliau berhasrat mahu meluaskan jajahan takluk Portugis.

"Kamu fikir orang-orang kita itu dibunuh oleh Sultan Melaka?" Tanya Alfonso de Albuquerque.
"Tak dapat nak saya katakan dengan tepat, tuan!"
"Jadi, nasib mereka masih tidak jelas lagi."

"Ya tuan. . . Er, saya cadangkan elok kita serang Melaka. Hanya itu saja caranya kita mengajar Sultan Melaka dan membebaskan orang-orang kita. Dengan itu juga kita dapat berkuasa di sana nanti," kata Lopez de Sequeira.

"Saya sendiri memang tertarik dengan Melaka yang masyhur dan kaya itu. Tapi kita tak boleh bertindak sesuka hati saja," katanya pula.

Lopez de Sequeira terdiam. Dia menunggu kata-kata selanjutnya.

"Kita mesti laporkan hal ini ke Lisbon. Raja Manuel patut tau apa yang telah berlaku."

Alfonso de Albuquerque kembali ke Portugal. Dia kembali ke tanah airnya melalui Tanjung Pengharapan. Beberapa lama dalam pelayaran, sampai kapalnya ke pelabuhan Lisbon. Dia segera menghadap Raja Manuel. Segala peristiwa di Melaka dipersembahkan kepada Rajanya.

"Tuanku, 20 orang anak kapal kita telah ditawan oleh Sultan Melaka. Nasib mereka, hidup atau mati masih tidak diketahui. Tapi tuanku, Melaka sangat kaya dan masyhur. Patik ingin sekali meluaskan jajahan takiuk Portugal hingga ke sana. Melaka penting sebagai pusat perdagangan kita di sebelah Timur," sembah Alfonso de Albuquerque.

"Ya, beta setuju dengan cita-cita kamu itu, Alfonso. Kita perlukan Melaka untuk menjamin bekalan bahan-bahan dagangan sampai ke mari. Barang-barang itu boleh kita jual di pelabuhan

Lisbon kepada saudagar-saudagar Inggeris, Sepanyol, Belanda dan lain-lain lagi. Tapi Alfonso..."

"Tuanku..."

"Sekarang ini kita kekurangan kapal dan alat kelengkapan untuk menawan Melaka. Bersabarlah!" jelas Raja Manuel.

Sejak itu, hampir selama dua tahun kapal-kapal Portugis tidak melintasi Selat Melaka. Apatah lagi untuk masuk ke pelabuhan Melaka menjalankan perniagaan seperti biasa. Dalam tempoh itu pelbagai peristiwa pula yang telah berlaku.

Di Melaka, berlakunya fitnah memfitnah di kalangan pembesar-pembesar negeri. Bendahara Tun Mutahir telah difitnah hendak menderhaka kepada Sultan Mahmud.

Baginda sultan segera memerintah supaya Bendahara Tun Mutahir dibunuh. Beberapa orang keluarga Bendahara ikut dihukum bunuh.

Ini termasuklah Tun Hassan, Temenggung, Seri Nara Diraja dan menantunya Tun Ali. Inilah juga punca kelemahan kerajaan Melayu Melaka.

Sultan Mahmud Syah, sesudah mengahwini Tun Fatimah lalu menyerahkan pemerintahan negeri kepada puteranya Sultan Ahmad Syah. Baginda amat menyesal membunuh Bendahara tanpa usul periksa. Lantas baginda mengasingkan diri ke Bertam, di Hulu Melaka.

Ketika itu Alfonso de Albuquerque telah dapat menyediakan beberapa buah kapal dan alat kelengkapan perang. Sesudah mendapat persetujuan Raja Manuel, angkatannya belayar menuju ke Goa. Dari Goa, angkatannya yang terdiri dari 19 buah kapal, 800 orang askar Portugis dan 600 orang askar bangsa India belayar menuju ke Timur.

Pada bulan Julai, tahun 1511, angkatan kapal perang Portugis sampai di pelabuhan Melaka. Ketibaan mereka segera dipersembahkan kepada Sultan Ahmad Syah. Satu perwakilan Portugis diketuai oleh Alfonso de Albuquerque sendiri dibenarkan masuk menghadap.

“Tuanku, kami datang membawa titah Raja Manuel meminta tuanku membebaskan semua

orang Portugis yang ada dalam tahanan!" kata Alfonso de Albuquerque.

"Apa pendapat Memanda?" Tanya Sultan Ahmad Syah kepada Bendahara Tepuk sambil tersenyum mengejek.

"Tuanku, elok kita dengar dulu apakah lagi permintaan orang Portugis ini. Kalau manasabah boleh juga kita pertimbangkan," kata Bendahara Tepuk, lembut tetapi tajam.

"Ya, benar sungguh kata Memanda itu. Ha, apa lagi permintaan tuan hamba? Nyatakanlah!" Gesa baginda.

"Tuanku, penangkapan orang-orang kami banyak menimbulkan kesusahan dan kesulitan pada kami. Jadi kami menuntut wang ganti rugi kerana penangkapan itu."

Sultan Ahmad Syah tergelak mendengarnya. "Tak ada sebab kita mesti membayar tuntutan ganti rugi itu. Sebenarnya tuan hamba tidak berlaku jujur. Kalau sungguh orang-orang Portugis berniat baik mahu bermiaga di Melaka, kenapa Lopez de Sequeira belayar meninggalkan pelabuhan?" tingkah Sultan Ahmad tanpa beragak lagi.

Alfonso de Albuquerque terdiam. Sejurus kemudian baharulah dia berkata lagi. "Saya hanya menyampaikan titah perintah Raja Manuel. Baginda benarkan kami bermiaga dan mendirikan pusat perniagaan di negeri ini!"

Permintaan dan tuntutan Alfonso de Albuquerque tidak segera mendapat jawapan. Orang-orang Portugis terpaksa kembali ke kapal mereka. Pada hari yang lain, bahanulah ada balasan jawapan Sultan Ahmad Syah.

"Kita boleh membebaskan semua orang tahanan," tegas Sultan Ahmad Syah. "Tetapi kita tak bersedia membayar sebarang ganti rugi. Kita juga tak benarkan orang Portugis singgah di pelabuhan Melaka. Jadi, sebaik saja tuan hamba menerima semua orang tahanan itu, silalah belayar meninggalkan pelabuhan."

Alfonso de Albuquerque terdiam tidak berkata apa-apa. Hatinya amat sebal dan hampa. Dia cuba merayu tetapi ada sesuatu yang menghalangnya berbuat demikian.

Melaka Mengalami Kekalahan

Alfonso de Albuquerque dan para pengiring bersama-sama dengan orang-orang tawanan yang dibebaskan segera kembali ke kapal masing-masing.

Namun Alfonso de Albuquerque tidak puashati dengan perintah Sultan Ahmad Syah. Dua permintaannya yang terpenting, wang tebusan dan kebenaran membuka pusat perniagaan telah ditolak mentah-mentah. Dia sungguh marah dan geram.

"Kerajaan Melaka harus diajar!" bisik hatinya sewaktu dalam perjalanan ke kapal tadi.

Direnungnya setiap kapal yang berlabuh tenang di pelabuhan itu. Dia cuba mengecam beberapa buah kapal di situ. Hatinya bagaikan membara melihat beberapa buah kapal yang bernama dan ditulis dengan tulisan Jawi.

"Memang di sini tempat yang baik," desisnya lagi.

"Tugasku ke mari bukan hanya untuk membebaskan tawanan seramai 20 orang itu. Tapi hal lain. Mungkin inilah yang tak difikirkan oleh kerajaan Melaka," getus hatinya lagi.

"Aku tidak kan pulang ke Goa atau ke Lisbon selagi Melaka tak dapat kutawan. Aku akan serang Melaka. Akan kutakluk negeri ini." Sambungnya di dalam hati.

Keesokan harinya 19 buah kapal Portugis tidak mengangkat sauh meninggalkan pelabuhan. Pada mulanya, Sultan Ahmad Syah tidak begitu bimbang.

“Mungkin mereka menunggu angin dan ketika yang baik untuk belayar. Kalau mereka perlukan bekalan air dan kayu, benarkan mereka mendapatnya. Tapi harus dikawal dengan ketat,” titah baginda kepada Bendahara.

Namun setelah beberapa lama berada di situ, timbul pula rasa syak wasangka. Kapal-kapal Portugis itu masih juga melabuhkan sauhnya. Tidak berganjak pergi.

“Apakah muslihat mereka?” fikir baginda.

“Memanda, ada apa-apa berita dari pelabuhan? Bila agaknya Portugis itu mahu belayar?” Tanya baginda kepada Bendahara.

“Tiada khabar yang patik dengar, tuanku!”

Pada hari yang berikutnya Syahbandar masuk menghadap. Dia dalam keadaan tergesa-gesa sahaja beliau berkata.

"Tuanku, orang-orang Portugis tetap tak mahu belayar. Mereka berkeras supaya dibenarkan membuka perniagaan di sini!"

"Tidak. Kita tak akan menjilat apa yang dah kita ludahkan. Kita memang tak berkenan mereka berada di Melaka lagi!" bentak Sultan Ahmad, murka.

"Jika tak dibenarkan, mereka akan mengancam untuk mencetuskan huru-hara, tuanku."

"Nampaknya mereka mencabar kita rupanya... Ya, kita tunggu apa yang mereka sanggup lakukan. Jangan mereka sangka kita ini mudah digertak. Bendahara, perintahkan hulubalang Melaka berada dalam keadaan siap sedia," perintah baginda.

Suatu malam, berlakukan kegemparan di pelabuhan. Beberapa buah kapal terbakar. Puaslah diikhtiarkan untuk memadamkan api itu. Ternyata sia-sia sahaja. Kapal-kapal itu hangus lalu tenggelam.

Anak-anak kapal dan harta-benda yang dapat diselamatkan segera dipindahkan ke kapal lain atau dibawa naik ke darat.

“Kapal milik siapakah yang terbakar di laut semalam, Syahbandar?” tanya Sultan Ahmad Syah.

“Milik orang-orang Arab tuanku!”

Tahukah tuan hamba siapakah yang punya angkara?”

“Patik telah menyiasatnya, tuanku. Itu adalah perbuatan orang-orang Portugis.”

“Wah, benar-benar mereka mengugut kita.”

Orang-orang Melaka dan kebanyakan saudagar lain amat marah dengan perbuatan Portugis itu. Kerajaan Melaka cuba bertindak menghalang perbuatan itu dari merebak.

Ternyata pihak Portugis lebih cekap lagi. Mereka terus membakar kapal-kapal perdagangan milik orang Islam.

Akibatnya, tercetuslah api perang antara Melaka dengan Portugis. Perang itu bermula pada 24 Julai, tahun 1511.

Pada peringkat awalnya, orang-orang Portugis yang datang menyerang. Serangan itu dapat dipatahkan oleh orang-orang Melaka.

Kemudian mereka berjaya mengundur angkatan Portugis hingga terpaksa kembali ke kapal masing-masing.

Namun setiap hari sepanjang bulan Julai hingga bulan Ogos, peperangan masih berlanjutan. Belum ada tanda-tanda Portugis akan menang atau Melaka akan kalah.

Orang-orang Melayu Melaka dengan bantuan orang-orang Arab, terutama saudagar yang beragama Islam ikut serta menentang Portugis.

Angkatan Portugis mempunyai alat kelengkapan perang yang moden. Tidak seperti orang-orang Melayu Melaka yang masih menggunakan keris, tombak, pedang dan senjata tajam yang lainnya.

Namun semua itu tidak melemahkan semangat orang Melayu berjuang mempertahankan bumi Melaka.

Namun pada peringkat kedua peperangan itu, Portugis dapat memujuk saudagar-saudagar asing

yang tidak taat setia kepada Melaka. Mereka adalah saudagar yang lebih mementingkan keuntungan diri sendiri.

Ketika itulah, Portugis dapat menewaskan beberapa banyak hulubalang Melaka yang bertarung mati-matian untuk mempertahankan negerinya.

Namun akhirnya, pada 24 Ogos, tahun 1511 berlakulah takdir sejarah. Setelah hampir sebulan berperang, orang-orang Melaka terpaksa berundur.

Kemaraan orang-orang Portugis terlalu pantas. Mereka menyerbu jambatan lalu masuk ke kawasan istana.

Sultan Ahmad Syah, Sultan Mahmud Syah, Tun Fatimah, Bendahara Tepuk dan ramai lagi pengikut mereka yang setia berundur menyelamatkan diri. Melaka telah kalah. Kerajaan Melayu Melaka hancur. Portugis mulai bertapak di Melaka.

Portugis Dikalahkan

Sejak Melaka diperintah oleh Portugis, pemerintahannya mula berubah corak.

Banyak perubahan yang dilakukan selama hampir 130 tahun Melaka di bawah cengkaman mereka.

Alfonso de Albuquerque gembira dengan kemenangan itu. Inilah kejayaannya yang paling gemilang. Melaka dijadikan pusat pentadbiran dan perdagangan Portugis di sebelah Timur. Segala bahan dagangan seperti rempah, emas dan kain merupakan bahan dagangan yang cukup berharga bagi orang Portugis.

“Sekarang kita dapat sebarkan barang-barang ini ke seluruh Eropah. Aku percaya Lisbon akan jadi pelabuhan terpenting pula,” sahut teman saudagar itu pula.

“Lisbon boleh menggantikan Venice. Portugal akan kaya.

“Segala kekayaan yang kita dapati dari Melaka akan kita bawa pulang ke Portugal,” demikian perintah Alfonso de Albuquerque.

“Bagaimana dengan kebijakan orang tempatan?” tanya salah seorang daripada pembesar itu.

“Itu tak penting. Itu bukan matlamat kita. Kalau orang-orang Melayu nak maju, kalau orang-orang Islam di sini tak mau tertinggal, mereka boleh berusaha sendiri. Kita tak akan beri apa-

apa sumbangan pun. Walaupun satu sen!" tegas Alfonso de Albuquerque.

"Mungkin mereka tak puas hati. Mereka pasti memberontak," tingkah pembesar yang lain pula.

"Itu sudah pasti. Sekarang ini pun orang-orang Sultan Melaka selalu menyerang kapal-kapal kita. Aku yakin orang Melayu Melaka pasti ada hajat nak merampas semula negerinya dari kita."

"Apa yang harus kita lakukan?" Tanya seorang panglima perang Portugis.

"Kita bina sebuah kota. Kota itu dijadikan kubu pertahanan yang kukuh dari serangan mana-mana musuh kita," balas Alfonso de Albuquerque.

"Bagaimana bentuk kota itu?"

"Aku bercadang membina tembok batu setinggi 20 kaki. Tebalnya lima kaki. Kota batu itu mengelilingi bukit ini. Meriam dan senjata api yang lain akan diletakkan di merata tempat yang sesuai."

"Besar sekali tembok itu. Macam mana kita mau membinanya?"

"Itu senang. Kita paksa orang-orang Melayu dan bangsa-bangsa lain membuat kerja itu. Kita kerah mereka bekerja siang malam. Kita suruh mereka angkut segala batu-batu. Pecahkan batu nesan tanah-tanah kubur. Kita mesti gunakan untuk keselamatan bangsa Portugis."

Akhirnya kerja-kerja membina kota bermula. Ramai yang menjadi buruh paksa. Selama tiga tahun barulah kota itu siap. Alfonso de Albuquerque menamakannya 'A Famosa' yang bermakna 'Yang Masyhur'.

Dalam kawasan tembok kota yang kukuh teguh itu terdapat tempat kediaman Gabenor dan paderi pengembang agama Katholik. Ada dewan bandaran yang besar, gereja dan hospital.

Walaupun kota 'A Famosa' terdiri kukuh, orang-orang Melayu Melaka yang berundur ke Johor tidak patah semangat. Banyak kali juga mereka datang menyerang Portugis.

Pernah sekali Portugis hampir tewas dikepung oleh mereka. Bantuan dari Goa sempat datang menyerang orang-orang Melayu. Mereka terpaksa berundur semula ke Johor Lama.

Aceh di Sumatera juga pernah menyerang Portugis. Mereka cuba menguasai Melaka untuk dijadikan pelabuhannya di Selat Melaka.

Seperti angkatan perang orang Melayu Johor juga, mereka gagal pada setiap kali percubaan. Orang-orang Portugis menyedari mereka terpencil dan terkepung oleh banyak musuh di Gugusan Kepulauan Melayu.

Mereka segera mengambil beberapa tindakan untuk menjamin keselamatan Portugis dengan menyerang pihak musuh tersebut. ^

Namun begitu, cara pemerintahan Portugis di Melaka menimbulkan rasa tidak senang kepada kebanyakan saudagar. Pelabuhan Melaka mulai kurang disinggahi kapal.

"Mengapa kapal-kapal dagangan kurang masuk ke pelabuhan?" tanya Alfonso de Albuquerque.

"Mereka mengeluh, tuan!" jelas Syahbandar.

"Kenapa?"

"Mereka mengeluh cukai pelabuhan terlalu tinggi. Itu sebab mereka bersungut. Mereka tak puas hati dengan cara bermiaga kita."

“Mereka tak dapat berdagang dengan bebas seperti dulu lagi. Rempah, lada hitam dan bijih timah mesti dijual kepada saudagar Portugis saja. Rungut mereka, harganya murah pula.”

“Saudagar mana yang selalu bising itu?”

“Saudagar-saudagar Islam!”

Alfonso de Albuquerque termenung seketika. Kemudian dia panggung kepala lalu bertanya lagi.

“Jadi, di mana meneka berniaga sekarang?”

“Ke Aceh dan ke Johor Lama.”

“Wah, mereka mengancam pusat perniagaan kita. Aceh dan Johor, kedua-duanya musuh ketat kita. Kita tak boleh berdiam diri,” katanya dengan tegas.

Alfonso de Albuquerque berunding dengan pembesar-pembesar Portugis.

“Kita tau bangsa Portugis sendirian di Timur ini Kita dikelilingi oleh musuh-musuh. Jadi untuk nakkekalkan kuasa kita, nak majukan pusat perdagangan di sini dan nak kembangkan agama Katholik, kita mesti sanggup lakukan apa saja. Apa saj a!” tegasnya dengan sungguh-sungguh.

Demikianlah, sejak dari perundingan itu hingga gabenor Melaka silih berganti, Portugis menjalankan gerakan penuh kekerasan. Setiap kapal dagangan yang belayar melalui Selat Melaka dipaksa singgah ke pelabuhan Melaka. Sekiranya ingkar, mereka diserang.

“Kita akan serang Johor Lama!” perintah gabenor Portugis dengan marah. Kemarahan itu berpunca dan merosotnya pelabuhan Melaka. “Kita tak boleh biarkan mereka terus menerus mengancam kita di Melaka.”

Masa terus berlalu. Keadaan di Melaka tidak dapat dipulihkan. Orang-orang Melayu Melaka, Aceh, Johor dan Jawa silih berganti menyerang Portugis di Melaka.

Setiap kali serangan itu dapat dipatahkan oleh Portugis. Kota ‘A Famosa’ memang merupakan benteng yang kukuh.

Malah, pada tahun 1595, pihak Belanda telah menyerang Melaka secara langsung. Portugis tetap tidak dapat ditewaskan. Belanda kembali berundur ke Betawi (Jakarta).

Belanda memang bercita-cita menguasai perdagangan di Timur. Mereka tidak berdiam diri. Mereka menyekat pelayaran kapal Portugis di Selat Singapura. Mereka menarik saudagar-saudagar datang ke Betawi.

Pada bulan Jun, tahun 1640 Belanda menyerang Melaka dengan bantuan kerajaan Johor. Peperangan berlaku dengan hebatnya.

Orang-orang Portugis kebuluran di dalam kota. Akhirnya pada 14 Januari, tahun 1641 Portugis menyerah kalah. Melaka jatuh ke tangan Belanda. Berakhirlah kekuasaan Portugis di Melaka.

Kejatuhan Singapura

Kerajaan Johor

Sultan Mahmud Syah III telah mengangkat dirinya menjadi sultan empayar Johor dalam tahun 1795.

Perlantikan itu hanya pada nama kerana baginda tidak mempunyai kuasa kerana empayar Johor amat lemah ketika itu.

Selain itu kawasan pemerintahannya hanya sekitar negeri-negeri Johor, Pahang, Lingga, Singapura dan pulau-pulau di sekitarnya.

Sultan Mahmud bersemayam di Lingga yang menjadi pusat pemerintahannya. Bagi mentadbir negeri Pahang, baginda melantik seorang pegawai bergelar Bendahara, sementara untuk negeri Johor, termasuk Singapura dan pulau-pulau di sekitarnya, baginda melantik seorang bergelar Temenggung.

Bagi melantik wakil-wakilnya itu, Sultan Mahmud menghadapi kesusahan. Sehingga pada suatu hari baginda memanggil semua pembesarnya datang menghadap.

“Beta telah membuat keputusan melantik Bendahara di Pahang dan Temenggung di Johor,” titah baginda. Sebaik sahaja baginda bertitah, istana itu senyap sunyi. Para pembesar yang hadir diam seketika.

“Beta harap dengan perlantikan itu akan dipersetujui oleh kamu semua,” sambungnya lagi.

Kelihatan beberapa pembesar berpandangan sesama sendiri. Mereka seolah-olah bertanya siapakah yang bakal dilantik.

Kemudian Sultan Mahmud menyambung titahnya semula.

“Bagi mentadbir negeri Pahang, beta akan lantik Tun Ali menjadi Bendahara, bergelar Bendahara Seri Wak Raja. Bagi negeri Johor pula beta lantik Daing Abdul Rahman menjadi Temenggung, bergelar Temenggung Seri Maharaja. Adakah kamu semua setuju?”

“Kami setuju ...!” Balas para pembesar lain secara serentak. Walaupun demikian persetujuan itu hanya di bibir, sedangkan di hati orang-orang besar itu mempunyai pendapat yang berbeza.

Setelah pulang ke rumah masing-masing, kebanyakan para pembesar mengeluarkan pendapat masing-masing.

Ada yang bersetuju dengan perlantikan itu, ada yang menentang.

Namun sebelum dilantik menjadi Temenggung, Daing Abdul Rahman tinggal di Pulau Bulang.

Lima tahun kemudiannya, iaitu dalam tahun 1811 barulah Temenggung Abdul Rahman berangkat pindah ke Singapura bersama keluarga dan pengikut--pengikutnya kira-kira seratus lima puluh orang.

Setelah berlayar beberapa hari, akhirnya sampailah angkatan Temenggung Abdul Rahman di kuala Sungai Singapura.

“Saya fikir di sini baik untuk kita mendirikan kawasan kediaman,” kata Temenggung Abdul Rahman kepada pengikut-pengikutnya.

“Saya fikir pun begitu Engku,” sokong salah seorang dari pengikutnya.

“Elok kita berkampung di sini. Di sana banyak kemudahan boleh kita dapati. Engku tengok, kualanya luas, mudah orang-orang kita turun naik ke laut dan tanahnya pun nampak subur, sungguh baik untuk bercucuk tanam.”

“Benar Engku. Kita pun dapat memajukan lagi kampung Orang Laut yang sudah sedia ada tu,” sokong pengikutnya yang lain sambil menunjuk ke arah kampung Orang Laut terdiri dari beberapa buah rumah di tepi kuala Sungai Singapura.

Setelah bersetuju, mereka pun mendidirikan kampung di kuala sungai itu. Mereka menebas hutan dan merata tanah dan akhirnya mendirikan rumah masing-masing. Ada yang besar dan ada yang kecil, mengikut kemampuan mereka.

Rumah kediaman Temenggung pula didirikan di atas bukit tidak jauh dari kuala sungai. Dari situ jelas dapat dilihat perahu keluar masuk. Mudahlah Temenggung mengawasi dan mentadbirkan urusan pangkalan itu kelak.

Tidak berapa lama kemudian, kampung telah siap itu didirikan. Temenggung Abdul Rahman membawa orangnya empat puluh lapan buah perahu dari Riau ditempatkan di Singapura dan pulau-pulau di sekitarnya untuk mengawal kawasan di bawah jagaannya.

Namun masa terus beredar. Dari semasa ke semasa, perkampungan Temenggung Abdul Rahman di kuala sungai itu bertambah maju.

Mata pencarian penduduknya kian hari kian meningkat. Mereka yang bercucuk tanam beroleh hasil lumayan. Para nelayan pula mendapat tangkapan yang banyak.

Ekoran daripada kemajuan yang dicapai itu, ramai penduduk-penduduk di kawasan sekitar mula berpindah ke Singapura.

Pangkalan kecil di kuala sungai menjadi sibuk. Orang-orang berdagang pun bertambah ramai keluar masuk Singapura.

Ada yang datang dari Pulau Jawa, Siak dan pulau-pulau di sekitarnya.

Setelah setahun berlalu. Singapura dibuka oleh Temenggung Abdul Rahman, akhirnya Sultan Mahmud Syah III mangkat di Lingga, iaitu pada 12 haribulan Januari 1812.

Apabila hendak memakamkan baginda, timbul pula perbalahan di istana. Mengikut adat istiadat raja-raja Melayu, seorang sultan mestilah dilantik sebelum jenazah almarhum dimakamkan. Biasanya putera sulung almarhum sultanlah yang dilantik menjadi sultan mewarisi takhta.

Almarhum Sultan Mahmud Syah meninggalkan dua orang putera. Yang sulungnya bernama Tengku Husin atau digelar Tengku Long dan yang keduanya Tengku Abdul Rahman.

Mereka kedua berlainan ibu. Ketika mangkat sultan, Tengku Husin berada di Pahang, berkahwin dengan adik Bendahara Tun Ali yang memerintah Pahang ketika itu.

Bagi menyelesaikan masalah itu, satu mesyuarat di antara orang-orang besar telah diadakan di istana Lingga.

Sebelum mangkat pun, Sultan Mahmud Syah III tidak mempunyai kuasa sepenuhnya kepada jajahan takluk baginda.

Sultan Mahmud Syah lebih merupakan sultan yang bersara. Pemerintahan negeri ketika itu lebih dikuasai oleh Yamtuan Muda Raja Jaafar, iaitu putera almarhum Raja Haji.

Dengan itu, mesyuarat yang diadakan dipengerusikan oleh Yamtuan Muda Raja Jaafar.

“Apa pendapat orang-orang besar sekalian. Siapakah yang layak menjadi sultan mewarisi takhta kerajaan Johor?” Tanya Yamtuan Muda Raja Jaafar.

“Begini Tengku, mengikut peraturan adat istiadat turun-temurun raja-raja kita” kata seorang besar.

“Maksud orang besar, kita mesti melantik Tengku Long menjadi sultan?” tanya Yamtuan Muda Raja Jaafar. Meninggi suaranya.

“Begitulah yang sebaik-baiknya Tengku,” jawab beberapa orang besar serentak.

“Tengku Long?” Tanya semula Yamtuan Muda sambil menggeleng-geleng kepala.

“Kalaualah Tengku Long menjadi sultan negeri ini, tidak tahu apalah yang akan berlaku,” sambung Raja Jaafar lagi.

Orang-orang besar yang hadir dalam mesyuarat itu terkejut mendengarkan kata-kata Yamtuan Muda Raja Jaafar. Mereka tidak menduga Yamtuan Muda bersikap sedemikian, walaupun mereka tahu sejak awal lagi Yamtuan Muda itu memang tidak sukakan Tengku Long.

“Begini saja orang-orang besar sekalian. Jangan banyak cakap lagi. Saya fikir Tengku Abdul Rahman seelok-eloknya ditabalkan menjadi sultan mewarisi takhta kerajaan,” kata Yamtuan Muda memberi kata putus.

“Saya harap Orang-orang setuju,” pinta Yamtuan Muda Raja Jaafar.

Namun para pembesar tidak menjawab apa-apa. Mereka hanya berpandangan sesama sendiri. Yamtuan Muda Raja Jaafar telah menyalahgunakan kuasa. Adat istiadat raja-raja Melayu telah dilanggarnya.

Sungguhpun demikian Tengku Abdul Rahman ditabalkan menjadi sultan bagi kerajaan Johor dan tanah jajahannya.

Tindakan Yamtuan Muda Raja Jaafar itu tidak mendapat sokongan. Ramai orang besar tidak menyetujuinya. Bendahara Tun Ali di Pahang juga menentang keputusan itu.

Seperti juga dengan almarhum ayahandanya, Sultan Abdul Rahman yang bersemayam di Lingga hanya sultan pada nama, sedangkan kuasa lebih dipegang oleh Yamtuan Muda Raja Jaafar yang tinggal di Riau.

Perbalahan di istana itu telah berlaku. Orang-orang besar mulai tidak menyokong sultan, apakah lagi Yamtuan Muda Raja Jaafar. Akhirnya pentadbiran negeri menjadi kucar-kacir.

Ekoran daripada itu kerajaan Johor mulai menurun. Negeri-negeri Johor, Riau, Lingga,

Pahang, Singapura dan lain-lain pulau di dalam kepulauan Riau-Lingga yang dulunya bersatu teguh di bawah satu kuasa kerajaan Johor, akhirnya berusaha untuk mentadbir sendiri.

Keadaan pemerintahan tidak teratur itu berjalan sehingga beberapa tahun. Kerajaan Johor semakin hari menjadi semakin lemah dan tidak diketahui siapakah yang mentadbirnya.

Perjanjian dengan Inggeris

Ketika keadaan Kerajaan Johor mengalami kemerosotan, telah muncul sebuah kapal asing belayar menuju ke pelabuhan Lingga. Orang ramai di situ sudah tidak hairan lagi. Mereka sudah tahu kapal itu milik Inggeris.

Selain dari kapal Inggeris, kapal Belanda juga sering dilihat keluar masuk pelabuhan itu. Kedua-dua bangsa Eropah itu menumpukan perhatian ke beberapa buah negeri Melayu. Mereka berlumba-lumba untuk menguasainya.

Kapal Inggeris itu menghampiri pelabuhan. Kemudian kelihatan beberapa orang turun ke perahu kecil yang dibawa bersama oleh kapal layar itu.

Sebaik saja sampai di pelabuhan, perahu itu segera ditambat. Seorang Inggeris dan empat orang Melayu naik ke darat. Orang Inggeris itu segera berjumpa dengan pengawal pelabuhan dan bercakap-cakap dengan pengawal.

Tidak lama kemudiannya pengawal itu beredar dari situ. Orang Inggeris bersama empat orang Melayu masih tercegat berdiri. Pengawal itu pergi menemui Sultan Abdul Rahman di istana.

Sultan Abdul Rahman diberitahu oleh pengawal istana tentang kedatangan rombongan itu. "Farquhar, Residen Inggeris Melaka?" Titah Sultan Abdul Rahman .

“Benar Tuanku. Tuan Farquhar dari Melaka ingin menghadap ke bawah Tuanku.”

“Kamu apa tujuannya?”

“Hamba kurang periksa, Tuanku.”

“Jika begitu beritahu pengawal pelabuhan, izinkan rombongan itu masuk.” Sebaik sahaja mendengar arahan itu, segera pengawal istana terus beredar. Bagaimanapun setelah melangkah beberapa tapak, Sultan Abdul Rahman memanggilnya semula.

“Pengawal, tapi ingat, beritahu pengawal-pengawal di pelabuhan berjaga-jaga,” perintah sultan.

“Ampun patik Tuanku,” jawab pengawal lantas beredar.

Setelah diizinkan masuk, William Farquhar, Residen Melaka bersama pengiring-pengirinya menghadap Sultan Abdul Rahman.

“Tuanku, kami datang membawa salam persahabatan dari Kompeni Inggeris,” kata William Farquhar memulakan perbualan.

Mendengarkan kata-kata itu, Sultan Abdul Rahman tersenyum. Baginda mengangguk-

-angguk seolah-olah memperli Residen Melaka itu.

“Kompeni Inggeris sungguh berbangga kerana tuanku ditabalkan menjadi sultan bagi kerajaan Johor ini. Kompeni Inggeris berniat memberikan segala pertolongan kepada ke bawah duli tuanku dan juga rakyat tuanku,” kata William Farquhar lagi.

“Terima kasih. Beta gembira benar dengan niat kamu itu.

“Bagaimana dengan perdagangan kompeni sekarang, Farquhar?” titah Sultan Abdul Rahman.

“Baik tuanku, sungguh baik,” jawab William Farquhar.

“Tujuan kamijuga datang hari ini untuk menyampaikan hajat Kompeni Inggeris mencari tapak loji dan gudang perdagangan di kawasan tuanku ini,” beritahu William Farquhar.

“Mencari tapak loji?” tanya Sultan Abdul Rahman.

“Benar tuanku. Kompeni Inggeris yakin dengan membina loji di sini, negeri tuanku akan bertambah maju. Hasil-hasil dari negeri ini dapat

dibawa keluar," kata William Farquhar menguatkan harapan Kompeni Inggeris.

"Bagus tu memang bagus, tapi berilah beta masa untuk memikirkan rancangan kompeni itu." titah Sultan Abdul Rahman menjawab hasrat Kompeni Inggeris.

"Itulah yang sebaik-baiknya tuanku, ambillah masa untuk tuanku memberikan keputusannya," jawab pula Residen Inggeris itu tersenyum.

Ketika itu suasana di balai penghadapan istana sunyi seketika. Sultan Abdul Rahman kelihatan termenung. Residen Inggeris juga terdiam sebentar. Pengiring-pengiringnya juga terdiam.

William Farquhar memberi isyarat kepada pengiring-pengiringnya itu. Sebaik saja menerima isyarat, mereka segera menyembah ke bawah duli sultan meminta izin keluar dari balai penghadapan.

Tidak lama kemudian mereka masuk semula ke balai itu. Mereka membawa bungkusan. Benda-benda itu diletakkan di sebelah William Farquhar duduk.

“Tuanku, barang-barang itu hadiah dari Kompeni Inggeris untuk tuanku,” beritahu William Farquhar.

“Mengapa mesti bersusah-susah, Farquhar,” jawab Sultan.

“Sudah menjadi kebiasaan, orang yang datang mesti membawa cenderamata,” balas William Farquhar. Dia kemudian ketawa kecil. Sultan Abdul Rahman ketawa sama.

Selepas cenderamata itu disampaikan kepada sultan, jamuan ringan dihidangkan. Mereka berbual terus sambil menikmati jamuan itu.

Farquhar puas hati dapat bertemu dengan Sultan Abdul Rahman. Sultan Abdul Rahman memberikan janjinya untuk dipertimbangkan.

Bagaimanapun, William Farquhar yakin Sultan Abdul Rahman ketika itu hanya bergelar sultan, sedangkan kuasanya lebih dipegang oleh Yamtuan Muda Raja Jaafar.

“Beginilah tuanku, sudah agak panjang kita berbual dan sudah banyak perkara yang kita bincangkan, jadi inginlah kami mohon pulang,” kata William Farquhar minta izin.

Sultan Abdul Rahman ketawa kecil, "Apalah salahnya lama sedikit Farquhar. Beta gembira kerana sudah lama tidak berbual-bual dengan Farquhar."

"Patik ingat tuanku, selepas ini patik ingin pula menghadap Yamtuan Muda Raja Jaafar," beritahu William Farquhar.

"Bagus! Awak juga boleh berbincang dengannya tentang rancangan Kompeni Inggeris itu," titah Sultan Abdul Rahman memberikan pandangannya.

Selepas pertemuan dengan Sultan Abdul Rahman itu, William Farquhar bersama orang-orangnya bertolak pula ke Riau untuk bertemu dengan Yamtuan Muda Raja Jaafar.

Termateri Perjanjian

Dalam pertemuan itu, William Farquhar juga telah menghadiahkan cenderamata dan beberapa pucuk meriam kepada Raja Jaafar.

“Untuk apa meriam-meriam ini Farquhar?” tanya RajaJaafar.

"Semua ini adalah bantuan dari Kompeni Inggeris untuk Tengku," jawab William Farquhar.

Yamtuan Muda Raja Jaafar termenung sebentar melihatkan senjata-senjata dihadiahkan kepadanya di samping beberapa cenderamata lain termasuk kain untuk pakaian.

Melihatkan Yamtuan Muda Raja Jaafar terdiam, William Farquhar terus berkata, "Kita mendapat tahu tengku, orang-orang Belanda di Melaka hendak menyerang Riau."

"Belanda hendak menyerang Riau?" tanya Raja Jaafar terkejut.

"Itu yang saya fahamkan Tengku," jawab William Farquhar pantas.

"Kalau begitu halnya, kita tidak boleh berdiam diri. Kita mesti bersiap dan berjaga-jaga," kata Raja Jaafar.

"Itulah yang sepatutnya Tengku. Kita mesti sentiasa cemburu terhadap Belanda. Belanda sentiasa berniat untuk meluaskan lagi kuasanya," kata William Farquhar untuk menakut-nakutkan lagi Raja Jaafar.

“Tengku jangan bimbang. Kompeni Inggeris sentiasa di belakang Tengku. Senjata-senjata ini menjadi bukti tentang keikhlasan Kompeni Inggeris,” terang William Farquhar sambil menunjuk ke arah meriam yang dihadiahkannya kepada Yamtuan Muda Raja Jaafar.

Setelah beberapa lama berbincang, akhirnya Yamtuan Muda Raja Jaafar menerima hasutan Inggeris itu. Kata-kata itu hanya diada-adakan memandangkan Belanda ketika menyokong Sultan Abdul Rahman. Inggeris tidak mahu pengaruh Belanda menjadi kuat di Johor. Oleh sebab itulah pelbagai helah dicari untuk membuatkan Johor memusuhi Belanda.

“Ada juga orang-orang Inggeris pun tidak boleh dipercayai,” kata Raja Jaafar dalam hati.

Setelah diam sebentar, pegawai Inggeris itu berkata untuk menghilangkan kegusaran.

“Mudah saja tengku. Kita boleh buat surat perjanjian. Tengku di pihak kerajaan Johor dan saya di pihak Kompeni Inggeris,” kata pula William Fanquhar untuk menguatkan hujahnya.

Keadaan pemerintahan kerajaan Johor ketika itu tidak teratur, ditambah pula dengan hasutan-hasutan William Farquhar sehingga membuatkan Yamtuan Muda Raja Jaafar bertambah bimbang. Sikapnya tidak disukai oleh ramai orang besar Johor.

Akhirnya Yamtuan Muda Raja Jaafar bersetuju membuat perjanjian persahabatan dengan Kompeni Inggeris yang diwakili oleh William Farquhar. Perjanjian itu ditandatangani pada 19 haribulan Ogos 1818.

Setelah termateri perjanjian, William Fanquhar pulang ke Melaka. Beliau sungguh gembira kerana usahanya telah berjaya. Tidak lama selepas itu, iaitu pada 21 haribulan September tahun 1818 pihak Kompeni Inggeris menyerahkan Melaka kepada Belanda.

Semasa ketiadaan William Farquhar di Riau, Yamtuan Muda Raja Jaafar telah memanggil sekalian pembesarnya untuk datang menghadap. Baginda ingin menyampaikan segala hasil perbincangannya dengan William Fanquhar.

“Belanda bercadang nak menyerang negeri kita lagi,” beritahu Raja Jaafar. Ketika itu para pembesar terkejut mendengar berita itu. Mereka bertanya-tanya sesama sendiri.

“Belanda akan menyerang bila-bila masa. Saya mahu orang besar sekalian mengerah anak buah masing-masing untuk membina kubu di sepanjang pantai dan melengkapkan angkatan perang kita.”

Tidak lama selepas itu, seorang Belanda, sahabat Yamtuan Muda Raja Jaafar bernama Adriaen Koek datang ke Riau menemui Yamtuan Muda Raja Jaafar. Beliau mendapat tahu bahawa orang-orang Inggeris telah memburuk-burukkan Belanda.

“Tengku jangan percaya semua cakap Inggeris itu. Kita orang Belanda tidak ada niat langsung nak menyenang Johor. Kita ingin bersahabat terus dengan Johor. Itulah sebabnya kita sokong perlantikan Sultan Abdul Rahman,” kata Adriaen Koek dalam pertemuan dengan Raja Jaafar.

Walaupun Adriaen Koek beberapa kali mengulangi kata-katanya itu kepada Raja Jaafar, tetapi Raja Jaafar sendiri tidak mudah mempercayainya.

“Jika Tengku tidak dapat percayakannya, tidak menjadi apa-apa, saya datang ini semata-mata untuk memberitahu Tengku semua cakap orang Inggeris itu bohong. Mereka mahu supaya kerajaan Johor bermusuh dengan Belanda. Itu semua tidak betul. Bukankah kita telah lama bersabahat.”

“Cita-cita orang Belanda datang ke mari mencari sahabat. Kami ingin meluaskan sahabat dengan orang-orang di Kepulauan Melayu ini,” kata Adriaen Koek lagi.

Namun Yamtuan Muda Raja Jaafar tidak berkata apa-apa. Dia hanya tersenyum dan sekali-sekala mengangguk-angguk mengiakan kata-kata Adriaen Koek seolah-olah mengejek.

Kemudian Adriaen Koek pulang ke Melaka. Beliau berbincang dengan Gabenor Belanda di Melaka hasil pertemuannya dengan Yamtuan Muda itu.

“Yamtuan Muda masih kurang percaya dengan orang kita, tuan,” beritahu Adriaen Koek.

“Tidak percaya?” tanya Gabenor.

“Benar tuan,” jawab Adriaen Koek pantas.

“Kalau begitu halnya, kita tidak boleh tunggu-tunggu lagi.”

“Apa mesti kita buat?” tanya Adriaen Koek.

“Kita mesti hantar panglima perang kita ke Riau untuk percayakan Yamtuan Muda. Kalau dapat kita buatkan penjanjian dengannya. Minta Yamtuan Muda batalkan perjanjiannya dengan Inggeris.”

“Itu satu cadangan yang baik,” sokong Adriaen Koek.

Seperti yang ditetapkan, Adriaen Koek belayar menuju ke Riau bersama panglima penang Belanda, Admiral Wolterbeek. Tujuan mereka ialah untuk bertemu dengan Yamtuan Muda Raja Jaafar. Mereka ingin yakinkan Yamtuan Muda Raja Jaafar itu.

“Apa tujuan kamu kem atri lagi Koek?” Tanya Raja Jaafar ketika Adriaen Koek bersama panglima perang masuk menghadapnya.

“Kami datang lagi untuk berbincang dengan Tengku dan bersama saya kali ini panglima perang kita, Admiral Wolterbeek.

Kemudian ketiga-tiga orang itu duduk di anjung kediaman Yamtuan Muda. Mereka berbincang di situ.

“Kami sudah tertipu, kami sudah ditipu oleh Inggeris,” beritahu Raja Jaafar tiba-tiba, memulakan perbincangan.

“Dari dulu lagi saya beritahu Tengku, Inggeris memang suka buat fitnah begitu. Inggeris mahukan kita bermusuh,” jawab Adriaen Koek.

“Saya minta maaf kepada Belanda tentang sikap Johor terhadap Belanda selama ini,” kata Raja Jaafar.

“Itu tidak menjadi masalah, asalkan tengku mahu berbaik-baik semula dengan Belanda sudah cukup,” kata Adriaen Koek sambil tersenyum.

“Saya bercadang Koek, dalam perbincangan kita ini nanti dapat kita buat satu keputusan..”

“Keputusan apa Tengku?”

"Dulu beta ada perjanjian antara Johor dengan Belanda. Saya harap kita barukan semula perjanjian itu," terang RajaJaafar.

"Bagus, bagus betul itu tengku. Itulah antara sebabnya kami datang semula ke Riau ini dengan harapan perjanjian itu dapat diperbarui."

"Dengan adanya perjanjian baru itu nanti, tidak dapat Inggeris sesuka hati menabur fitnahnya," beritahu Adriaen Koek.

Sehubungan itu Yamtuan Muda Raja Jaafar segera menjemput Sultan Abdul Rahman, Tengku Long, Temenggung Abdul Rahman dan lain-lain orang besar untuk memperbaharukan perjanjian dengan Belanda.

Pada 26 haribulan November 1818 perjanjian baru telah dibuat di antara kerajaan Johor dengan pihak pemerintah Belanda di Melaka.

Pada mulanya, Temenggung Abdul Rahman yang mewakili Singapura enggan menurunkan tandatangannya di dalam perjanjian itu, kerana tidak mahu terlibat.

Setelah diterangkan tujuan perjanjian itu dibuat, barulah Temenggung Abdul Rahman menandatanganinya.

Namun perjanjian itu telah dibuat, tetapi masih terdapat beberapa orang besar di dalam kerajaan Johor yang percayakan cakap-cakap Inggeris dulu.

Mereka masih percaya Belanda akan menyerang mereka, termasuklah Temenggung Abdul Rahman dan Tengku Long sendiri.

Kedatangan Inggeris ke Singapura

Pada 28 haribulan Januari tahun 1819, Pulau Sekijang didatangi satu angkatan perang Inggeris yang diketuai oleh Leftenant Gabenor Kompeni Inggeris di Bangkahulu yang bernama Thomas Stamford Raffles.

Angkatan itu mengandungi lapan buah kapal besar dan berlabuh sebentar di Pulau Sekijang.

Apabila angin bertiup dengan baik, angkatan itu bertolak menuju ke Singapura, pulau yang terletak tidak berapa jauh dari Pulau Sekijang.

“Nampaknya itu macam Pulau Singapura,” kata Raffles sambil menunjuk ke arah pulau yang kelihatan berbalam-balam. Memang menjadi idaman Raffles sejak lama untuk meluaskan perdagangannya ke kawasan itu.

“Nampaknya sibuk betul pelabuhannya itu, ya tuan,” kata pengiringnya.

“Nampaknya cukup baik kalau kita dapat tawan Pulau Singapura. Kita boleh jadikan pelabuhan penting kita di sebelah sini,” beritahu Raffles tentang hasratnya.

“Benar tu tuan. Lautnya juga baik dan membiru,” sokong pengiringnya.

Tidak beberapa kemudian mereka belayar, sampailah angkatan itu di Pulau Singapura. Mereka berlabuh menghadap ke pelabuhan Singapura yang cepat berkembang.

Ketika berada di pelabuhan Singapura, kelihatan banyak kapal dan tongkang berlabuh. Orang-orang Temenggung Abdul Rahman memang sudah tahu akan kedatangan angkatan Raffles.

Sebaik saja Temenggung Abdul Rahman diberitahu, dia segera menghantar utusan menemui Raffles.

“Adakah orang-orang Belanda sudah masuk Singapura?” tanya Raffles kepada utusan Temenggung Abdul Rahman yang datang menemuinya itu.

“Belum tuan,” jawab utusan itu.

“Sekarang ini siapa yang berkuasa di Singapura?” tanya Raffles.

“Setahu saya tuan, Temenggung Abdul Rahmanlah yang paling berkuasa di sini,” jawab utusan itu.

Sebenarnya Raffles memang sudah tahu tentang kedudukan pemerintahan kerajaan Johor ketika itu.

Banyak keretakan di antara orang-orang besar. Beliau telah mengetahui perselisihan

pendapat tentang pertabalan Sultan Abdul Rahman menjadi sultan.

Selain itu Raffles telah mengetahui pengaruh Belanda di kalangan orang-orang besar Johor. Justeru itu beliau ingin menawan Singapura sebelum sempat Belanda mendudukinya terlebih dulu.

"Lebih baik kamu pulang dulu ke Singapura. Kita akan naik ke darat esok pagi bertemu dengan Temenggung," beritahu Raffles.

"Baik tuan," jawab orang utusan itu lalu beredar.

Esoknya, pagi-pagi Raffles bersama William Farquhar serta seorang askar bersenjata lengkap, menaiki perahu bertolak masuk ke Sungai Singapura.

Sebaik sahaja sampai di hadapan rumah Temenggung Abdul Rahman, perahu ditambat. Raffles dan Farquhar dengan diiringi oleh askar itu lalu naik ke darat menuju ke rumah Temenggung Abdul Rahman.

Sebaiks ahaja tiba, Raffles dan rombongannya itu telah disambut oleh orang-

orang Temenggung Abdul Rahman. Mereka terus dibawa masuk ke rumah Temenggung Abdul Rahman.

"Bijak sungguh Tengku memerintah negeri," puji Raffles memulakan perbualan.

Mendengar pujian Raffles itu Temenggung Abdul Rahman tersenyum. Kemudian dia berkata, "Ini semua di atas kerjasama pedagang-pedagang dari luar dan dalam, ditambah pula dengan kerajinan orang-orang saya membuka kebun dan ladang."

"Betul tengku, betul. Saya lihat pun, pelabuhan Singapura ini, sungguh baik. Orang Inggeris ingin menolong orang Melayu memajukan lagi Singapura ini," kata Raffles lagi.

"Makanlah buah-buah ini Raffles. Semuanya ini hasil tanaman anak buah saya," beritahu Temenggung Abdul Rahman sambil mengunjukkan sepinggan buah-buahan tempatan.

"Tengku jangan susah, kalau tengku benarkan orang Inggeris membuka gudang di sini, tengku akan kita bayar \$3000 setahun. Tengku juga akan dijaga oleh askar-askar Inggeris," pujuk Raffles.

“Tapi kuasa sepenuhnya bukan di tangan saya Raffles,” kata Temenggung Abdul Rahman.

“Itu jangan tengku susahkan. Raja Jaafar berkawan baik dengan Farquhar. Dia boleh uruskan segalanya dengan Raja Jaafar,” jelas Raffles yang memang mengetahui kuasa sepenuhnya ketika itu berada di tangan Yamtuan Muda Raja Jaafar.

“Baiklah Raffles, kalau begitu berikan saya masa untuk menjawabnya,” beritahu Temenggung Abdul Rahman.

Beliau memang sudah bersedia untuk membenarkan Inggeris membuka gudang perniagaan di situ. Dia hanya memikirkan kuasa sepenuhnya masih di tangan Yamtuan Muda Raja Jaafar.

“Kalau begitu, elok saya pulang dulu Tengku,” minta Raffles untuk pulang. “Esok saya akan datang lagi dan kami percaya Tengku tentu dapat keputusannya.”

“Baiklah Raffles, sementara itu suruhlah Farquhar pergi menemui Raja Jaafar. Beritahu dia dulu. Nanti apa kata dia pula,” kata Temenggung

Abdul Rahman sambil menghantar Raffles dan rombongannya ke muka jalan.

"Itu jangan tengku susahkan. Itu memang urusan kami," beritahu Raffles lagi.

Temenggung Abdul Rahman berdiri memandang Raffles bersama William Farquhar. Tiba-tiba hatinya gembira. Wang yang ditawarkan oleb Raffles untuknya itu sungguh besar. Dia berbarap-harap sangat supaya Yamtuan Muda Raja Jaafar mengizinkan Inggeris membina gudang perniagaan di Singapura.

Semalam Raffles menyediakan isi surat perjanjian yang akan dikemukakan kepada Temenggung Abdul Rahman. Kata-katanya disusun baik-baik supaya menguntungkan pihak Inggeris.

Keesokan harinya Raffles datang lagi ke Singpura. Dia bersama rombongannya terus ke rumah Temenggung Abdul Rahman.

"Sila naik Raffles," pelawa Temenggung Abdul Rahman.

"Apa khabar Tengku?" tanya Raffles sambil melangkah naik ke rumah Temenggung.

"Khabar baik. Farquhar ke mana?" Tanya Temenggung Abdul Rahman apabila didapatinya William Farquhar tidak bersama di dalam rombongan itu.

"Dia telah pun bertolak ke Riau untuk berunding dengan Yamtuan Muda Raja Jaafar," jawab Raffles sambil mengambil tempat duduknya di tepi dinding menghadap ke kuala Sungai Singapura.

Dengan perlahan-lahan Raffles membuka surat perjanjian yang sudah disiapkannya semalam. Sambil berkata dia meberikan kepada Temenggung Abdul Rahman.

"Ini surat perjanjian yang saya cadangkan Tengku."

Temenggung Abdul Rahman kelihatan terkejut memandang surat perjanjian itu. Dia tidak terfikir secepat itu Raffles menyiapkannya.

"Surat perjanjian ini untuk sementara saja tengku. Apabila sudab dibuat keputusan muktamad nanti, kita buat satu lagi perjanjian baru," terang Raffles.

Setelah mereka berbincang panjang, akhirnya perjanjian sementara itu ditandatangan oleh Temenggung Abdul Rahman bagi pihak pemerintah Singapura dan Johor, sementara Raffles menandatangani bagi pihak Kompeni Inggeris.

Dengan tandatangan surat perjanjian itu bermulalah pendudukan Inggeris secara rasminya di Singapura pada 30 haribulan Januari tahun 1819.

Tengku Long Dijadikan Raja

Suatu ketika dahulu Pulau Singapura tidak beraja. Oleh itu Singapura tertakluk kepada pemerintahan Sultan Abdul Rahman yang tinggal di Lingga.

Pada masa yang sama Belanda adalah penyokong kuat Sultan Abdul Rahman. Apa sahaja yang berlaku, pihak Belanda akan menyebelahi Sultan Abdul Rahman.

Ekoran daripada itu Raffles telah menyuruh William Farquhar dan Temenggung Abdul Rahman menjemput Tengku Long datang ke Singapura.

Sebenarnya Inggeris bercadang untuk melantik Tengku Long menjadi Sultan Singapura. Raffles sejak awal-awal lagi mengetahui harapan Tengku Long untuk menjadi sultan. Itulah antara punca keretakan dalam istana Johor.

William Farquhar dengan nasihat Temenggung Abdul Rahman memanggil Raja Embung, saudara Tengku Long. Raja Embung orang yang dipercayai. Mereka takut rahsia untuk menjadikan Tengku Long sebagai Sultan Singapura itu diketahui Belanda.

Sehari semalam belayar, akhirnya Raja Embung di Riau menuju ke kampung tempat tinggal Tengku Long, Kampung Penyengat.

"Apa hal datang tengah-tengah malam ini Engku?" tanya Tengku Long.

"Ada hal penting Tengku," jawab Raja Embung berbisik.

"Hal penting!" tanya balik Tengku Long.

"Naik dulu, naik dulu," pelawanya.

"Tuan Raffles, Tuan Farquhar dan Temenggung Abdul Rahman ajak tengku ke Singapura," bisik Raja Embung.

"Apa halnya?" tanya Tengku Long berbisik juga.

"Mereka nak melantik Tengku menjadi Sultan Singapura."

"Jadi sultan?"

"Ya, jadi sultan Singapura."

"Saya tak dapat nak putuskan malam ini juga," jawab Tengku Long termenung.

"Nanti dulu saya panggilkan Encik Abu."

Encik Abu, atau digelar Abu Putih ialah orang kepercayaan Tengku Long. Kepada Encik Abulah Tengku Long tempat Tengku Long meminta nasihat.

Setelah Encik Abu datang, Tengku Long menceritakan segala hal yang diberitahu oleh Raja Embung kepadanya. Mendengar cerita itu, Encik Abu termenung. Dia sendiri seolah-olah tidak percaya Tengku Long akan dilantik oleh Inggeris menjadi sultan di Singapura.

“Sungguhpun pelawaan itu baik, tapi beta bimbang Abu. Beta takut ditipu oleh Inggeris,” kata Tengku Long.

“Beginilah ke bawah duli, patik ini adalah hamba juga, menurut segala perintah tuanku, dalam hal ini tidaklah kekanda Raja Embung ini berdusta,” kata Encik Abu menguatkan kata-kata Raja Embung.

“Baiklah kalau sudah begitu kata-katamu, mari kita pergi. Sebelum itu, pulang dulu ambil senjatamu. Dan ingat jangan sekali-kali diketahui orang. Kalau ada orang yang bentanya, katakan kita nak menjala,” beritahu Tengku Long. Encik Abu beredar dan situ. Dia melangkah pantas.

Mereka bertolak ke Singapura pada malam itu juga. Mereka tidak sempat membawa barang-barang makanan. Tengku Long hanya

memesannya, "esok suruh turun sebuah perahu membawa makanan. Kami tunggu di tengah laut."

Setelah semalam belayar, sampailah ke Singapura. Mereka terus berdayung masuk ke Sungai Singapura menuju ke tambatan Temenggung Abdul Rahman.

Sebaik saja diberitahu tentang ketibaan Tengku Long, Temenggung Abdul Rahman dan William Farquhar segera menyambut rombongan itu.

"Apa khabar Tengku?" sapa Farquhar sambil menyambut salam yang dihulurkan oleh Tengku Long. Kemudian Temenggung Abdul Rahman pula bersalam dengan Tengku Long.

"Begini saja tengku, mari kita ke laut bertemu dengan Tuan Raffles. Dia masih berada di dalam kapal. Dia ingin bertemu tengku di sana," beritahu William Farquhar.

Semua anggota rombongan Tengku Long berpindah ke perahu Inggeris. Tengku Long tetap berasa bimbang. Dia takut kalau-kalau Inggeris menangkapnya.

Dalam beberapa ketika sahaja, sampailah ke kapal Raffles. Beliau sedang menunggu menyambut Tengku Long. Sebaik saja perahu rapat ke kapal itu, Raffles sendiri yang menghulur tangan menyambut Tengku Long naik ke kapal. Dia tersenyum sambil tunduk memberi hormat kepada Tengku Long.

Setelah semua naik ke kapal Raffles itu, mereka duduk di kerusi yang telah disediakan. Tengku Long duduk di sebelah Raffles. Mereka berbual-bual sebentar bertanyakan khabar.

Tidak lama selepas itu, Raffles mengajak Tengku Long ke biliknya. Di dalam bilik itulah Raffles menerangkan rancangannya untuk melantik Tengku Long menjadi sultan.

Dia juga menerangkan rancangan Inggeris hendak mendirikan gudang perniagaan di Singapura. Setelah selesai Raffles berunding dengan Tengku Long, enam hari kemudiannya dari tarikh Tengku Long sampai ke Singapura.

Pada 6 haribulan Februari 1819, Tengku Long telah diisyiharkan oleh Raffles sebagai Sultan Singapura di dalam satu istiadat yang

diadakan di padang tidak jauh dari kuala Sungai Singapura.

Tengku Long menjadi Sultan Singapura bergelar Sultan Husin Muhammad Syah ibni almarhum Sultan Mahmud Syah III.

Semasa hari pertabalan itu, Raffles telah membuat surat penjanjian yang sebenarnya dengan Sultan Husin Syah dan Temenggung Abdul Rahman bagi pihak Singapura dan kedua-dua belah pihak telah menurunkan cap masing-masing di dalam surat perjanjian itu.

Di antara kandungan perjanjian itu ialah pihak Kompeni Inggeris membayar \$5000 setahun kepada Sultan Husin Syah, selagi Inggeris mempunyai gudang-gudang perniagaannya di Singapura. Pihak Inggeris akan melindungi Sultan Husin Syah selagi baginda tinggal di Singapura.

Pihak Inggeris juga membayar \$3000 kepada Temenggung Abdul Rahman setahun dan melindungi Temenggung itu selagi dia tinggal di Singapura.

Oleh itu Pelabuhan Singapura dikira sebagai di bawah lindungan Inggeris dan tentakluk kepada

peraturan-peraturan Inggeris. Segala perbelanjaan menyelenggarakan pelabuhan Singapura dan memungut cukai ditanggung oleh pemerintah Inggeris.

Sebaik sahaja selesai menandatangani surat perjanjian itu, pada esoknya, Raffles bertolak ke Aceh. Singapura diletakkannya di bawah pentadbiran William Farquhar sebagai Residen Inggeris.

Hanya sepuluh hari Raffles berada di Singapura. Dengan segala putar-belitnya, beliau berjaya meletakkan Singapura di bawah kuasa penjajah Inggeris.

